

公

餘

集

公餘集目錄

卷六 詩六十二首

丙午元旦五華山齊集恭賦二首

春從何處來四首

迎春日南掌國馴象至

春帖子三首

人日

穀日

同人偶集時有喜食鹽菜者亦有喜食
飴餌者因成此什

正月八日同人集方厓制府香雪齋用
齋中顏額昇平妙麗四字成什
蒼亭方伯新葺衙齋同人醺集詩以誌

賀

晴

題敬姜論勞逸

先慈忌日作

題穆子不受鼓人之降

上元旌陽觀觀炬二首

十六日雨

乾隆五十一年上元後四日奉到

御書福字並妳餅果乾恭紀

送蒼亭方伯之廵西

春雨

開印

題杏雨堂即贈王丹峯兄

四友軒

春日殷春門外

春祀

關帝敬書

春祀

至聖先師敬書

春祀

山川壇敬書

春日郊外分祀

社稷山川壇時在驚蟄前一日是日祭前升雷降

雨祭時天即放晴恭紀

燕譽堂

送雲隈蔣工部北上即用留贈元韻二

首

二月十三日至南郊送往復詣西郊迎
來途中口占

春日恭懸

欽賜福字敬賦

春祀

天后宮

營中籐牌手一項人人精銳最稱驍勇
然此種技藝於平時演陣則可觀於

讀白蘓二家詩

生日偶書

優曇西竺花也視玉蘭微黃大倍之香
夜發如幽蘭藥似菡萏葉與貝葉無
異滇南督撫署俱有大樹數株每清
和候開放西林相公曾有詩言之甚
忠茲當開放之時敬依元韻成什
孟夏廿七日出郊見麥田秀實口占

五月朔日

龍神祠拈香

菊花

端午

祿豐縣啓明橋告成

并序

奉到

御賜丹錠恭紀

芒種前二日雨

壽石蘭老人

所見

題杏實

月二首

論詩二首

人有以葛寄者戲簡

題鄢陵之戰

遊太華山之太華寺見舊時所放白鶴因賦

題子產論尹何為邑

夏夜聞蟋蟀

題晏嬰叔向論齊晉

蛙聲

平旦

夏月香櫟

而

望雨用杜工部對雨書懷原韻
題季文子儉德

和曹定軒學使遊龍泉觀六詠原韻

龍潭

珍珠泉

唐梅

石刻梅花亭

鳳尾柏

森桂軒

偶書

六月初十日夜月

漢相國蕭何二首

并跋

又次前韻二首

張子房

又次前韻二首

槐花黃

漢相國曹參二首

漢相國陳平二首

喜雨

公孫宏二首

汲黯

讀范蠡對越王勾踐欲伐吳語

并序

雨

白荷花

卷八 詩一百四十一首

七月朔日 龍神祠拈香

白蓮花用東坡白牡丹韻

題堂前紫薇花

題盆植桃樹盛實

答曹定軒學使原韻

七夕詞二首

昔傳郭子儀從軍沙塞間將至銀州數
里駐宿既夜忽見空中輶車繡幄中
有一美女降臨賜福女笑曰大富貴

亦壽考言訖升天今於七夕日偶詠
其事

蘋果

戲題蘋果

季夏藩署稽核庫貯事畢同人即於紫
霞書屋小集

季夏永觀察署中稽核糧儲
郊外勸農口占四首

白蓮花

不寐

七月十五日

閱呂文穆聞朝士毀言佯為不知事偶

書

宋臣張齊賢二首

雨後

次東坡梵天寺和僧守詮韻

新栽拒霜花用東坡和陳述古拒霜花

韻

夜雨二首

睡醒

新糊居室

次石蘭老人舟行韻

次石蘭老人詠旭日韻

夜聞促織鳴

閏七月朔日

小池

新月

閏月七夕

次韻學使曹定軒遊寶珠山宿能仁寺

月

次韻曹定軒學使閏月中元

簾內月

郊行二首

喜雨二首

題盛司馬慈烏返哺圖四首

別海山閣

別海山閣下花樹二首

自滇南起程北上適值大雨次日即晴

霽

過楊林海子

中秋駐馬龍州行館作

八月十六日書寄月桂

途次初霽

出平彝縣境

十七日對月二首

酬和曹定軒學使贈別韻五首

黔陽道中

霧雨

庚戌橋

白沙地

老鷹煙二首

花都田

留別汪又新方伯

北上途中喜晴

西林渡

犀牛灘

滇黔途中觀秋獲

安順府

過安順保軍門署席間留別

過大水橋

贈陳伯思學使同年

雪厓洞

山中夜行

九月朔日

重過飛雲洞

施秉道中二首

鎮遠行館

贈天柱兼署鎮遠吳明府

秋日自鎮遠登舟用尹元長相國江行

即事韻四首

泊舟即事

小舟

重陽前二日舟中

舟行出黔境

舟中九日用尹元長相國重陽日偕裘

叔度少司農錢璵沙掌科同遊攝山

韻四首

讀白香山詩偶題

舟行

舟中對月

舟中即事

舟中禱風

月夜舟行

過青浪灘謁馬伏波廟

九月十五日舟行對月四首

秋日路過武陵俞軍門見招席間出前

歲千叟宴上

御賜詩章恭閱敬依元韻即席賦贈

公餘集

目錄

十五

遊俞軍門補勝園林

月夜舟行二首

九月十七日自武陵進舟

渡荆江二首

寄題潛江縣之紅雨亭即書贈陳邑令

舟行默禱

荊州十首用東坡元韻

襄陽十詠

舟近襄陽作

卷九 詩三十二首

十月初二日襄陽早發

新野道上小寺適當官路時有老道人
住持其中洒掃布置頗覺閒雅余於
癸卯冬北上偶憩見壁間鮑舍人留
題將道人比之龐居士回道云云
知道人非却愚也因步其韵題詩一

首今丙午冬北上復經其處寺內塵
土委積迴不如前道人業已物化惟
蚩蚩一徒詢之茫無所知因而有感
疊癸卯南陽懷古韻

馬羣

裕州東三十里地名扳倒井相傳漢光
武帝曾憩息於此道渴思飲見一石
側立石下微有水痕扳倒其石即涌

出甘泉遂穿為井至今尚存其事雖
未見之史策想亦當時赤符諸休徵
之一也井之上首建有光武廟廟旁
有偏院一所克敬道人住持余於丙
午冬經過其廬題此即以書贈克敬
道人

北上途中口占

渡黃

御製元韻

過湯陰岳武穆祠敬依

八直隸磁州境作

過邯鄲呂翁祠

道出離明關龍觀察自大名遠來迎謁

賦贈

過正定隆興寺贈大光禪師

明月店

清風店

途次遇吳蠡濤偕其夫人雙乘同行暫
留蠡濤郵亭敘談積愆即促之速去

賦此戲贈

十月十七日途中遇雪

次日又大雪

過涿州萬國梯航橋

過盧溝曉月

十月三十日雪

長至日

南郊陪祀

十一月十四日

御門恭紀

壽劉松庵

早朝日引

見官員

登崇文安定城樓收驗工程

十二月初五日

陞殿受謝敬賦

臘月十一日

養心殿竚候引

見官員遇雪

臘月十七日立春

立春後三日雪

公集卷二
和張十八新拜內閣學士原韻即以奉

贈

臘月廿八日朝班遇雪

公餘集卷六

竹軒

丙午元旦五華山齊集恭賦二首

崇封及級攀齊集五華山春到

恩光普時和物意閒傾心瞻

鳳闕盡禮肅鵷班萬里誰云遠

天顏咫尺間

霽二天將雪融二日欲晨行年方值午

是年
丙午

建月喜回寅物象還如舊風光已覺新歸途
含潤意渥

澤仰
深仁

春從何處來四首

春從何處來粒粒放園梅藥逐和光綻香因
泐氣催冷姿還耐雪素魄豈驚雷衆卉休相
比花中第一魁

春從何處來蘋泛水之隈點々如青黛盈々
似綠苔浮波同掩暎隨浪自縈回著色天工
巧東風撥不開

春從何處來旭日照平臺暎帶祥光起晴添
瑞景開氣融暄草木土拆發根荄檻外遲々
影休將愛畏猜

春從何處來細雨逐風回和漏宵頻滴銜雲
曉未開且看苗染翠漸見砌生苔歲始蒙膏

澤終年得厚培

迎春日南掌國馴象至

鼉鼓逢三開遍城東郊春色喜相迎土牛擁
到占豐稔馴象偕來慶太平青幟垂旛飛且
舞黃柑釀酒美而清由來盛事多逢會睹此
洵堪慰衆情

春帖子三首

陽和初布令膏澤潤春田晴雨欣相適農應

慶有年

立春逢五日節候喜當陽門帖宜春字盈門
福祿昌

大地風光行處好徧天雲物望中新

古稀天子朝元日

聖壽宜過萬々春

人日

立春三日適逢人人到春來氣象新處々插

花添美景家。置酒醺嘉賓。盤堆生菜嘗宜。
淡碗貯和羹。味喜勻。明日排來應是穀。
君王昨已祀初辛。上謁祈穀壇行禮

穀日

從來人日多題詠。穀日何曾見賦詩。邦本在
人人最貴。民天惟穀。穀尤資金花勝裡。還如
昨弱柳風前。亦挂絲連日陰。多雨澤栽培
穀種正相宜。

同人偶集時有喜食鹽菜者亦有喜食
飴餌者因成此什

爾愛食鹽我喜甘宜調五味莫偏耽昔年午

仲曾垂論宜取陳編仔細參

左傳晏子對齊景公室夫和羹

齊之以味濟其不及以淡
其過君子食之以平其心

正月八日同人集方厓制府香雪齋用

齋中顏額昇平妙麗四字成什

穀日排筵慶亨絃歌點綴樂昇平妙音幾

曲隨喉轉麗彩環臺耀燭明昨日金花還艷
豔當前竹葉泛盈盈齋中滿樹香催雪齋中
梅花

盛放是日
天寒欲雪

應卜今年穀有成

蒼亭方伯新葺衙齋同人醺集詩以誌
賀

薇省規模本極揚因循將就漸荒唐欣逢大
雅扶輪日立見高材煥舊章興廢寧圖誇屋
潤補偏更喜際時良功成敬醺無堪祝福壽

縣々政績昌

晴

元日到初旬陰々未爽人今朝開旭影入夜
挂冰輪節近笙歌發年豐爆竹頻陽和昭萬
里物我忠同春

題敬姜論勞逸

敬姜身親績教子垂義方民勞則思善逸則
淫漸嘗天子及庶人日夕戒怠荒王后逮士

妻親織是其常勞心同勞力先王之訓良如
何公儀休見織怒相償食祿不奪利其說原
甚當因織竟逐妻恐難對敬姜

先慈忌日作

叙々八度歲華遷不見音容十六年喜已馳
驅來遠域難留風木慰終天予於壬辰夏赴
西川軍營已亥
春旨令上以先慈病劇念子甚切恩體恤甚
諭旨令恬馳驛回京奉侍先慈業已去世此
為周至不意子至京邸而先慈故不能稍為
中自有定數總由子孝心未篤故不能稍為

憶去辰拜別親顏之時已十六年矣每從夢
裡親言笑却對空中拜几筵試檢臨行衣上
線那禁迸涌淚如泉

題穆子不受鼓人之降

穆子不受鼓人降賞善伐姦論頗當然而行
軍尚不測豈徒正々與堂々攻城更非交戰
比尤宜計誘少殺傷得城而無勞師旅軍吏
之言甚為長若如穆子拘牽議何殊戰泓之

宋襄

上元旌陽觀觀炬二首

日裡陰々夜快晴為因元夜放燈明兩行火
出紅塵裏一片光懸碧落橫慶節笙歌臨路
發應時燭彩引人行期之意外還如意凡事
如斯最慰情

旌陽觀倚水之旁列炬臨池意甚臧岸樹挂
銓星耀彩荷房著火月爭光千聲爆響連簫

鼓四面人環似堵牆
即此允堪占歲稔人心
天意本相償

十六日雨

昨日元宵月皎明
今朝好雨灑春城
月輪已足酬佳節
雨陣尤能潤野耕
紅杏枝頭珠粒粒
綠蘋池畔水盈盈
當前美景非虛度
所望調和致歲亨

乾隆五十一年正月十九日奉到

御賜福字並嬪餅等物恭紀

丙午王正月初甲子吾

皇錫福還

微臣

天章遠被光華燦

御筆高懸覆幬勻

聖澤年周符歲月

御賜

福字

每年於春初奉
到去歲於正月十四

甲子日敬迓今年於正月十日故云

深仁刻感勵心身更欣乳液分

君賜萬里流膏逮萬民

送蒼亭方伯之迪西

賞鐙纔罷正春天花放迪西色倍鮮甘雨和

風迎馬首鶯聲柳絮繞車前金湯永賴諮詢

切方伯此行係奉銀礦全憑採訪穿永昌縣

在嚴一處方伯現屈指歸時春未盡今年寒食

月初圓

春雨

雨水節逢雨水勻眼前氣象又添春落梅片
片如垂露弱柳絲々可壓塵和漏今宵聽滴
漚潤苗來日更精神年々幸獲豐年象感切
無邊
造物仁

開印

開印例如常朝衣拜節堂紫泥宣
帝澤銀篆煥天光職掌期惟謹關防勵自強

一年今啓始事、願亨昌

題杏雨堂即贈王丹峯兄

杏雨堂前杏正開
杏花好雨逐春來
攀枝忽見珠霑袂
對面還疑酒暈顚
碎錦建坊誠美矣
爭春立館太奢哉
那如堂外雙、樹時有
臨池翰墨培

升坐兄善書而
且喜書故云

四友軒

柏翠松青竹更幽
落梅幾片點春裘
閒來散

步迴廊下四友風流最契投

軒前植松柏竹
梅四種故顏曰

軒四友

春日殷春門外

殷春門外攬春行稠疊春苗正發生
麥葉青
青容吐穗豆花燦
已舒英
昨宵雨過塘添
水即午風來柳弄晴
拍點當前多適意
惟持
謙
鞏
戒
驕
盈

春祀

關帝敬書

仲春多祀典月朔祭惟寅

聖自堪為帝

靈尤可佑人

關帝廟雖近年
勅加靈佑二字

蠲期同拜獻率

土致尊親歲

來瞻仰時

敬肅申

春祀

至聖先師敬書

東魯衣冠古南滇奉事寅文明開後啓闡發

賴前人日擇三朝吉祀逢二月春

本年初三日致

祭班聯齊殿下眼目煥然新

近日新加修葺

春祀

山川壇敬書

名山與大川覆庇一方全共仰高深德爰陳
俎豆虔蠲期惟戊日致祭在春天膏澤當時
霈優恩欲福滇

春日郊外分祀

社稷壇時在驚蟄前一日是日祭前升雷降雨
祭時天即放晴恭紀

驚蟄聞雷主歲亨況當分祀致心誠魚龍不
久江湖偃草木應隨雨露生渥澤普天含遠
野

恩膏一路達重城歸途旭影樓頭挂尤感陰
晴適協平

燕譽堂

射圃新脩整名題燕譽堂持弓須審國發矢
學穿楊不是銷閒地居然演武場更欣多點
綴桃豔竹成行

送雲隈蔣工部北上即用留贈元韻二

首

和氣融

藹一堂

御賜

固明固軍機處有

昔

曾趨直寫麻黃詞頭敬錄編年遠隨手頻登

記日長

軍機處設

有隨手

錄於上

託跡南

記

於上

託跡南

記

天心似水歡言

北極口含香送君步、登仙去惹我依、刻
不忘

水複山重匹馬臨郵亭遙指識前林三迤花

柳愁人別五嶺幽竒待客尋雲腰此去路經兩粵愧我

題詩非吐石詠君留句即含金春明後會堪

相約

予擬冬間入

覲奏

盃酒重論暢素襟

二月十三日至南郊送往復詣西郊迎

來途中口占

南郊送客行
迤邐還西城
麥秀連山翠
花開
市地明
裘因溫厚
熱衣羨夾單
輕還望舒雲
氣春膏遍野盈

春日恭懸

欽賜福字敬賦

二月好芳春堂懸

賜福新一家承

澤厚百歲荷

恩頻艷艷桃花放
青青草色勻
相看多樂意

深感

帝天仁

春祀

天后宮

春色平分好
蠲期致祭寅
八閩推

聖母六詔拜

公餘集

卷六

卷六

十三

明神海靜風濤息江平覆庇勻銅船依次過

無恙感

深仁

滇省每年銅運八起俱由江河而達京師近年得復原限於八月開幫次年三

頗少實仰賴

風濤之險沈失者神靈之福祐也

營中藤牌子一項人人精銳最稱驍勇

然此種技藝於平時演陣則可觀於交鋒對敵則無所用之今春明熟習鳥鎗數月來演習已熟親加閱看因

賦長律一首紀事

籐牌手素銳而強兼習鳥鎗技更良火發三

聲雷奮地隊排十卒雁分行為鳥鎗例以十人為一隊

三鎗中十五鎗以上者為今時逢道泰原無

用職訓營操貴有方演罷籐牌仍合陣新能

舊業兩爭長

海棠

幾枝嬌艷鬥春光桃李應輸粗俗妝結蘂盈

盈偏覺雅垂絲細細自多芳風前欲舞愁無

力閣下含霏亦有香

蜀中昌州海棠獨香太守於郡前建香霏閣太

綠野當年曾樹植而今指作是甘棠

裴署中丞有

手植海棠一樹

蘭花

春來綠葉暎花紅惟有蘭花與葉同望色青
青無二致聞香馥馥歷諸叢佩宜君子清高
似臭比同心氣味通不事朱顏甘雅淡天然

品格自尊崇

牡丹

牡丹北地花南國亦多嘉欲見丰姿好渾忘
道里賒樓臺添色麗風日弄枝斜近砌依雕
檻移窓暎碧紗杜鵑為後起丹杏湧先華那
似天香渥春王壓衆葩

二月三十日祀

龍神

來朝逢上巳

明日三月朔係上巳

今日祀

龍辰節晦知蕓落春深喜柳勻精誠祈默祐
香帛敢虔申所禱恩膏普調和福萬民

三月初一日上巳

上巳恰欣逢朔日春光九十剩三旬落紅片
片桃花豔送綠絲絲柳葉新未學流觴追往
事聊憑習射慰良辰

是日與將弁等校射

晚來不欲空

佳節敲句閒吟可爽神

春日郊行即事

苴蘭城郭水雲涯
小隊郊行望眼賒
三月春陰濃淡處
野烟分綠到桑麻

雨滋綺陌土膏融
楊柳頻吹拂面風
佇盼逢年書大有
寸心虔輦勵初終

昆池新漲碧波盈
底事乘風倚棹行
林外晚霞山外日
餘輝璀璨引雙旌

公餘拈筆偶耽吟
坐擁詩書思獨深
觸念動

關民隱切箇中苦樂耐推尋

牡丹開時邀幕中諸君子惠風堂小集
披拂春風稷節邊牡丹恰到十分圓花開堂
上曾多次人到南中忽幾年每愛芬芳歸雅
淡花名色白多而微宣因濃豔致流連佳時燕
飲堂中坐友誼花香兩兩仙

三日家醺同賞牡丹兒子月桂赴北應
試是日得其自貴陽寄來之書

三日融和被穠天牡丹花好色香鮮笙歌一曲誰云俗骨肉同堂便是仙數朶輕紅添景
廉幾枝新綠動春妍封書遠寄來黔地捷報
泥金此卜先

大風竟日園花盡開有作

一日風狂花盡開誰家巧用剪刀裁園庭倏
爾添顏色紅紫迎人帶笑來

清明日近華浦小集

清明時節喜清明無霧無煙泛舫行兩岸旱
苗生意滿一渠流水碧波泓盃中酒氣含花
氣座上歌聲雜鳥穀日未沈西人各散寧貧
美景滯雙旌

耕藉禮成有作

匆匆昨日過清明今日東郊舉耜耕請學老
農非我願知風澤下在躬行九推往復驅牛
順一刻勤勞播穀盈歲扶犁人力盡還希

造物賜豐亨

擬耕藉日禾詞敬步

御製元韻

惠風和暢暮春時黃鳥于飛楊柳垂耕藉由
來遵古制奉行普遍不如茲
驅牛到處起微塵農吏報時正吉辰為念小
民終歲苦慚予一日偶躬親
春日融々起蟄龍農夫無日不親農我心切

處人須曉惟有殷々望歲濃
扶犁播種手持鞭數載何曾曠
一年黛耜青箱能稔習農歌入耳韻悠然

聞桂兒自鎮遠登舟

書來報道已登舟北協龍門汲浪遊努力前

程休少遜何妨讓爾撞烟樓余於辛巳只登

能登進士榜則可謂撞
破煙樓矣勉之望之

芍藥

當階紅藥燦雲霞花似牡丹葉少差不逐羣
芳爭早豔獨含嬌質殿春華凌晨醉露搖輕
幌向午迎風展絳紗聞說廣陵多種類滇中
顏色亦堪嘉

櫻桃

粒粒珊瑚貯玉盤含桃味美性非寒日長獨
坐無餘事容可消閒代一餐

公餘集卷七

竹軒劉秉恬著

四月朔日敬詣

文廟 龍神祠拈香

纔過爛湯三春節破曉清和四月天一望郊
原浮麥氣旋看池沼點荷錢所希天意如人
意還願今年勝去年泮水龍池連地脈管教
雨足插秧全

登樓晚眺

凭欄遠眺氣舒長無限風情晚更張
南海水光相掩映東山日色照輝煌
萬家煙火饒生意四面樓臺帶夕陽
欲倩丹青圖寫取恐難妙手擬倪黃

立夏

四月八日

一宵好雨送殘春節屆清和更益人
麥粒添肥圓且湛秧鍼增綠密而勻
自饒樓閣清涼

意偏覺郊原眼目新
尤喜今朝逢浴佛
龍華盛會淨無塵

雞雛

孚雞剛出卵
飲啄却偏知
祝如先稔膠
尚後期羽毛全未滿
杆蔽正雞離
五德周俱日
司晨始所宜

四友軒繡毬花

繡毬斜倚假山開
誰把輕綃碎剪裁
玉蘂紛

紛同一蒂瓊花朵、巧攢堆儼然結象球堪
撲豈是憑針綉得來相見年、迎節發何曾
借重督工催

題萱草石竹二首

向聞萱草可忘憂果得忘憂是上籌惟是人
間諸事業難從安樂箇中求
美玉由來韞石生琅玕竹玉兩齋名此花竹
也而云石合并琅玕取義精

四月望日海山閣曉望

清和雨後氣猶寒
曉上高樓倚畫欄
積霧全開心際爽
晴天無障目光寬
峰嵐萬點添新翠
烟火千家熟早餐
遍地黃金知麥稔
我心竊為衆心歡

即事

文按清時日已遲
從容退食可隨宜
射堂習射花香襲
書几觀書燭影移
明月出雲天愈

皎微風過樹葉偏知芸牕靜坐閒無事筆硯
精良可賦詩

月

月上半窗明人眠醒五更對窓看月色倚枕
聽更聲止水無投石滄浪可濯纓此時心際
澈應似玉壺清

賀鄂軍門新擢成都將軍二首
南滇三載駐軍門西蜀新操將令尊

鳳詔飛來馳萬里
豹文丕變耀千屯
君曾向我輸謙意
我亦為君感

特恩從此東西分
使節滿懷離緒那堪論

錦官本是舊游城
到處重來倍慰情

公先由四川建

昌鎮陞授雲南全省軍門
自有偏裨懷舊德
遙知父老望

新旌營旗統轄恩
威著文武兼裁政
績明

成都

將軍管八旗綠營兵丁分轄建昌松茂二道屬文負
詔下兩川均佩服

何曾見有一軍驚

讀白蘓二家詩

東坡自道是香山二子詩名本一班今日我
來勤誦讀蘇詩峭拔白詩閒

生日偶書

四月滇城翠作堆蔥蔥鬱鬱氣佳哉聊陳魯
酒留賓坐敢謂壽觴對客開華髮青春難久
駐天時人事慣相催百年把臯無良策著力
心田積厚培

優曇西竺花也視玉蘭微黃大倍之香
夜發如幽蘭藥似菡萏藥與貝藥無
異滇南督撫署俱有大樹數株每清
和候開放西林相公曾有詩言之甚
忠茲當開放之時敬依元韻成什
四月清和節優曇正放花芬芳堪供佛題詠
豈同巴似貝繁枝翠如蓮結藥華西林先有
白合擬指南車

孟夏廿七日出郊見麥田秀實口占一

律

出郭沿河數里行
正當麥熟慶收成
樹排綠翠千重暗
地布黃雲一望平
古寺傍邨金碧耀
遠山連水畫圖橫
所希刈獲登場後
一雨均霑稻插盈

五月朔日

龍神祠拈香

九龍池畔謁龍宮
節屆朱明曉景融
荷葉田

田離水翠榴花豔、綴枝紅峰嵐縹緲祥煙
裡樓閣差參玉鏡中惟籲及時甘雨降普霑
膏澤益農功

菊茶

採茶時節雨前春小菊秋開不是隣偏合春
秋烹七椀清風習々口生津

端午

年年午月逢重五午與五同義屬陽門外榴

花紅似火階前蒲葉碧於桑應時角黍甘嘗
美入戶薰風靜送涼陽盛十分陰即發濯枝
雨足管栽秧

祿豐縣啓明橋告成

并序

祿豐縣東之啓明橋為迤西往來大路
且為該邑地理攸關傾圯多年未經
修築余於乾隆乙巳季夏經由其地
城鄉諸士子道左相迎余因將斯橋

之急應修復面為勸導諸士子皆踴躍應諾而去越明年丙午孟夏邑令以橋工落成見告因賦詩一首以誌其事既喜歲工之迅速并嘉闔邑紳民之急公好義云

啓明橋近祿豐城橋廢空餘帶水橫我勸衆擎斯易舉邨愁道築迄難成居然初月浮雲皎果見長虹飲澗清從此文明看大啓鹿鳴

宴上喜題名

奉到

御賜丹錠恭紀

開匣光輝五色攢
氤氲香氣上衣冠
來從萬里

恩流遠分送同人
澤被寬玉質渾如鹽水錠
童顏可駐紫金丹
年五日蒙君賜珍重
佩身感且歡

芒種前二日雨

麥黃時節宜天晴麥熟盼雨更繫情望晴麥
粒益飽綻望雨却為插秋秔兩念交戰莫稍
釋我心為之轉怍非是我心貪無厭二者
實有關民生茲當芒種前二日忽逢沛然竟
夜傾亥時起至辰時止通宵達旦未住聲春
苗時已刈獲畢收貯場圃擬阜京今見溝洫
滿瀦水正可竭力事深耕老幼婦子均在野

旬日之間宜插盃吁嗟乎
天心慈愛人心恪誠惟望從此宜暘宜雨西
風起子報順成

壽石蘭老人

歲周花甲堪稱壽況復看花又七開閱世崎
嶇悲已往享年康健喜將來閨中儒雅詩千
首座上雍容酒一杯相倚廿年非旦夕素知
多藝更多才

所見

雨歇園林靜
天晴鳥羽乾
穿簾知鷺舞
集戟看鴉攢
擊點鳴衙鼓
蒸煙熟晚餐
徘徊無所事
徙倚近闌干

題杏實

仙杏何須天上種
庭前綠樹亦同嘉
相看粒粒金成實
迴想垂垂綺結花
果擬桃紅堪餽
食味非梅碧致酸
牙先華後子天然理次第

排來却不差

月二首

薄雲片片似魚鱗
露出團團月一輪
看月到逢新霽後
光疑水面泛波痕
今夜月明可画綃
盡中月色却難描
何如寫作有聲畫
對月吟詩一弄簫

論詩二首

老嫗解詩太傳歌
豈知太傳學如何
假憑顯

露文空寡世上香山定見多

搜羅往事富文章自見便々腹滿藏却恐多
文無細律祭魚乏味獺空忙

人有以葛寄者戲簡

自來炎地少炎天六月風光不去綿
咎篋每愁狐貉敞開函忽見葛絺鮮
舍風軟細應宜體疊雪輕盈怕聳肩
且受承筐歌好我異時移地自容穿

題鄢陵之戰

晉楚鄢陵役藥范謀不同藥武在力戰范文
欲返戎是以兩人謚文武各異封文固能輯
睦武豈不足崇鄢陵一戰後不競在南風晉
若知憂內何患國不雄惟命在有德其言允
宜泛況有二雛在謂范白副國更非庸奈何
聽譖嬖霸圖遺悼公

遊太華山之太華寺見舊時所放白鶴因賦

古刹同標太華名野風微嗽塔鈴聲凭高俯
瞰山千疊船載波光水遶城
入寺時聞貝葉香優曇花放月初長忽逢舊
放翩翩鶴似解依人性獨良
築亭寧必仿蘇仙大可聽經佛座前萬里烟
霄任冲舉胎禽體質本超然
南滇駐節荷

恩隆數載時和歲屢豐偶陟高山觀萬象欲

牧民隱入雙瞳

題子產論尹何為邑

我讀子產論為邑卓識高見允賢臣學而入
政已槩矣何事多為取比倫操刀製錦譬田
獵曲為引喻實爽神春秋二百四十載旨哉
大夫處心仁奈何行仲夫子欲使子然宰
費人宣聖一言真破的僑也何幸偶合肩

夏夜聞蟋蟀

雨歇庭除靜，吹來蟋蟀聲。
知非床下躍，合在壁間鳴。
斷續隨風遠，悠揚入夜清。
徘徊聽坐上一洗躁心平。

題晏嬰叔向論齊晉

晏嬰叔向兩賢臣，論國無疑卓見真。
何竟道傷空袖手知，而不救任因循。

蛙鼓

非是笙歌到耳邊，池塘深處鬧闐闐。
有聲原

自無形始百和誰知一唱先兩部齊鳴聽市
地通宵不住響驚眠豈同井底潛身秘寂寂
無聞但管天

平旦

鐘漏沈沈未曙天腹搖鼻息正堪眠覺來便
盼裁秧普為善猶疑為利先

夏月香櫟

榴花叢裡見香櫟迴憶形成已隔年春夏秋

冬舍四氣此真可謂得天全

雨

見雨更深望雨情只因秧插未周盈所希海
水垂雲立傾倒通宵又徹明

望雨用杜工部對雨書懷原韵

盼望濃雲起雲行莫任虛倒傾驚宿鳥滿沛
亂遊魚滿貯栽秧野停翻岸水車倘能如所
望煩鬱暫容除

題季文子儉德

季文儉德實堪風秦漢而來每與同

三代以後相臣以

能以儉自持者不乏其人如公孫宏之布被
食不重肉即季文子妾不衣帛馬不食粟之

也

惟念國人兄若父推心絜矩却無窮

和曹定軒學使遊龍泉觀六詠原韻

龍潭

激潭未見馬呈圖豈有驪龍吐頷珠只為萬
千魚起躍稱名故與等閒殊

珍珠泉

溶溶遙印月輪開更有明珠滾滾來自是天
然呈妙象人工雖巧卽能裁

唐梅

鐵榦盤旋真傲古春花開放却宜時其中自
寓貞元理花不言人亦不知

石刻梅花亭

壁間寫出一林春逼近傳容自得真風雨年

來多剝落對亭惆悵與誰倫

鳳尾柏

翠羽飛棲古寺中何年辭却守深宮
龍姿鶴骨添同侶對此空山便不空

森桂軒

湯道小山隔一方軒前習習桂風涼
冬榮勸讓梅花占秋月明時十里香

偶書

從來直道不辜身坡句東與世周旋與我真飲
酒甘推均勝我吟詩自愧未如人讀書幾卷
須窮理為政多方不外寅檢點公私方寸澈
莫將此念負
君親

六月初十日夜月

雨收天濶淨無塵玉鏡遙開半
辟新若到中
秋光皎澈還須三次過初旬

木年開
七月

漢相國蕭何

五錢送奉厚于三物色塵埃識獨諳一得千秋排衆議功名從此駕曹參
且收巴蜀定三秦萬乘何妨暫屈身更有一
番奇議論養民而後致賢人

書曰野無遺賢萬邦咸寧又曰臣作朕
股肱耳目予欲左右有民汝翼予欲
宣力四方汝為是用賢原為養民也

乃何云養其民以致賢人此誠三代以後獨能見到之語徵之當日實事如張良韓信酈食其等之歸高帝均在起豐沛得人民之後其後義戈東指人民益多而豪傑之士歸來者益衆正可為養民致賢之明驗矣

又次前韻二首

人中稱傑列于三鎮國輸糧所獨諳今見世

家如目覩還須掩卷靜中參
不聽御史竟歸秦附鳳攀龍重此身所羨功
名成立後獨能靜守作完人

張子房

博浪沙中膽氣豪圯橋納履儼兒曹平生妙
用人難測進退剛柔自我操
佐漢為韓在復仇功成遜抑願封留傳聞辟
穀修仙事未識穀真可辟不

又次前韻二首

五百年來命世豪

孟子云五百年必有名世如子房者正其人也拍

揮早已駕蕭曹讀書想見風流渺試聽琴中

一曲操

琴曲中有杞橋進履之名

尚論古人莫與仇從容儒象簡編留

程子云子房進

不儒退者之風遲生三國紛爭日諸葛才謀可遜

槐花黃

轉瞬紛紛舉子忙
簷前槐樹已花黃
槐黃比桂差相似
折得桂花分外香

漢相國曹參

淮陰並轡戰功多
事定誰能復我過
忽有安平開創論
勛名畢竟遜蕭何
何事匆匆促治行
自知掄我秉鉤衡
去齊獄市仍留意
此念允堪輔守成

漢相國陳平

毀譽從來豈有情人言盜嫂短陳平不如無
有嘲糠覈即此何須辯再明
割肉均分志已遙放言論相愧同僚南宮品
定只三傑四傑其誰越次超

喜雨

連日陰陰飛小雨今朝雨始十分宣庭前積
水侵階砌四野流膏徧陌阡更喜優霑非破
塊寧愁泛溢待防川暇時欲作中和樂何武

公餘集

能歌可藉傳

公孫宏

金門射策繼天人請罷南夷亦愛民偏遇衰
翁年九十目爲曲學刺言頻
廣開東閣欲延賓賓惡無如是故人粗食布
衣回習俗用心何必定非真

汲黯

漢庭堂々有汲黯洵爲直道不辜身招之不

來麾不去貴育有力難比倫有時犯顏欲切
諫矯焉不屈敢批鱗以忠事上下之責自宜
屏飾務率真然而立言亦有道顧體酌宜所
當循奈何逞意口不擇內多愆而外施仁此
語言者固不覺未知聽者何云云假令激怒
按法誅漢庭幾少一完人吁嗟乎三代而後
人皆服汲黯之為直臣我却深嘆漢武之不
愧為明君



讀范蠡對越王句踐欲伐吳語

并序

按古來謀臣智士為其君出一策獻一計而致成功不過就當日之事機揣摩立論耳其能本天地人進退從容而定議者罕見其人也若范蠡者其殆王佐之才與假令早生數百年太公散宜生閔天諸人即其流亞遲生百餘年若張良蕭何陳平衆傑士亦

未必能過之也

運籌悉准地天人造化因成見屈伸可惜當年逢霸主未為統一帝王臣

雨

幾日爽晴連濃雲忽滿天電雷光幕外滂沛

瀉簷前江湧盤龍漲河流寶象遶盤龍江寶

城外水車今暫輟農老喜安眠滇南城外沙田

即乾必湏涿水灌
既土人呼為漏田

白荷花

誰將崑山玉琢成白蓮花花色雖少艷花香
却甚嘉亦自出汗泥通體更無瑕月下宜靜
看冰雪漫相誇竊真寧後素丹朱不須加非
敢傲紅蕖清標洵足華